

مجموعه آجودانیا

۱۷ نجی سنہ

ربیع الاول ۱۳۱۴

جزو، عدد : ۵۹



پرنس بسمارقك روسجه اوگر نه سی

پرنس بسمارق ۱۸۵۹ ده پروسیا دولتی طرفندن پتەرسبورغ سفارتنه تعیین اولنوبده محل مأموریتنه واصل اولنجه روس لسانتی تحصیله باشلامش ایدی . اوزمانلر کندیسینه روسجه درس ویرمش اولان موسیو آلکسی یف بودرس حقنده (رهوف ایستوریک) نامنده کی روس رساله سنده خصوصات آتیه یی نشر ایلشدر .

آلکسی یف اوتاریخده علوم حقوقیه طلبه سندن ایدی . بسمارق بوذاتی هامبورغ قونسولونک توصیه سی اوزرینه انتخاب ایتمشدر .
آلکسی یف دیورکه :

بسمارق اوزمان پتەرسبورغده قونت (استیجوتق فرمور) ک خانه سنده اقامت ایدردی . برکون اوکلین یمک وقتی بسمارقك اوینه کتدم . بنی یالیزلره مستغرق مزین برصالونه کوتوردیلر . برقاج دقیقه صکره بسمارق ، باشنده سیاه جانفسدن برتاقیه ، صرتمده لاجورد برکجه لک ایله ایچرو گوردی . هر نه قدر اوتاریخده آتجق قرق سنلرنده ایدیسده باشی ینه بسبتون صاچدن عاری ایدی . مقصد زیارتی آکلائمقله برابر کندیمی حقوق طلبه سندن اولق اوزره تقدیم ایتدم . بنی استجواب ایدرکن بن ده کندیسنی معاینه حصر نظر ایلدم :

بسمارق اوزون بویلی ، گکیش اومزلی ، پوس بیقلی ، قالین قاشلی برآدم ایدی . اکثر آلمان مکاتب عالییه سی طلبه سنده گورلیدیکی اوزره ، بسمارقك بیقلرینک اوزرنده دخی ، طبله لک زمانک یادکاری اوله رق بر دؤئللو نشانه سی قالمش ایدی .

بگما التى اوزاده رق و

— يا ! سزده حقوق طلبه سندنسكز ! ديمك مسلكداشيز . بنده حقوقدن ماذونم .

ديهرك ، فرط نوازشله اوتورمقلمى امر ايتدى . شرائطى قرارلشديردق . درس وقتلرينى تعيين ايتدك . بسمارق سوزنده دوام ايله :

— بر اجنينك آنجق بك كوچلكله تحصيلنه موفق اوله جغنى بيلديكم حالده ايشته ينه بن سزك او لطيف لسانكزى اوگرتمكه قرار وىردم . تلفظنده شيطانى بيله اوركوده جك كوچلكلر اولديغنى بيليورم . فقط همه حال بو ترجه انلردن قورتللم . حريفار دايما پيشمده ، هر حركتمى بيلورلر . الك عادى فكرلر مه وارنجيه قدر آگلايورلر . آرتق يت . ديدى .

ايشته موسيو آلکسىف بوشاگرد شهرتورينه بوصورتله روسجه تعليمنه باشلا . مشدر . روس حرفلرينك بعضيسى بسمارقك حدتى موجب اولور ايدى . سوكر ، صايار ، آياغيله يره اورر ، نهايت صورت مناسبده تلفظ ايتمكه قدرتياب اولوردى . بعض كوچ هجالي قولايقله تلفظ ايدمىلسى ايچون آلکسىف شو : « تو . پوتا قومچيه يت پيل پويولنو له زيت » عباره سنى بلكه اون دفعه تكرار ايتديردى . بسمارق اودرجه حدتلندى كه نهايت باغره رق :

— جانم بوكله لرى تلفظ ايدمىيله جك بر اجنى متصورميدر ؟ فقط طوغرى . ديلك كميكى يوق يا . ديل قيرلنز اما استديگك كجى جوريلور . سبحان الله ! بو موذيقلر نه يچمسز هجالر ايجاد ايتمشلر . بوكله لردن يالگز برى انساندن الى الابد روسجه اوگرتمك هوسنى ازاله يه كفائيت ايدر . ديدى .

بوننگله برابر بسمارق دزسنه بك گوزل بر جهد مقدمانه ايله دوام ايتدى . و برقاج آى صكر نورگه نى يفاك بر رومانى آلمانجه يه ترجمه ايتدى . بوندن ماعدا بسمارق اوزمانلر روسيه يه دخولى ممنوع اولان برنس دولغوروكينك (استقبال) اسمنده كى وهرجه نك (چاك) نامنده كى غزته سنى دايما او قوردى . بعضاً روسجه خواجه سيله مسائل سياسيه اوزرينه بحث آچاردى . آلکسىفك افاده سنه

گوره ایکیسناک فکری بر نقطه ده اتحاد ایدردی . آره لرنده یالکڑ بردفعه اختلاف حاصل اولمشدر . اوده بسمارقك انفصالیله عودتی صره سنده اجرت تعلیمدن طولانی ظهور ایتمشدر . درسه مباشرتدن اول هردرس ایچون بر بچق رؤبله اجرت قرار . لشدلمش ایکن بسمارق هر دفعه ایچون بر روبله قرار لشدیرلایغی فکرنده اصرار ایتشیدی . احتمال که بوقدر وحشی عد ایلدیکی بر لسان ایچون بیجیدیکی فیائی کافی کوردیگندن ایدی .

بسمارق سرای حکمداریده قطعا روسجه تعلم ایتدیگنی بلدیرمیوردی . برگون رسمی بر ضیافت ویرلمش ایدی . ایمپراطور ایکنجی آلکساندر برنس غورچاقوف ایله روسجه سویلشور ایکن بسمارقك کندولرینه حصر صحاح ایتدیگنی کورنجه درحال :

— روسجه آگلابورمیسکڑ ؟ دیه صوردی .

بسمارق هیچ استیمه رك آغزندن دوکیلور جه سنه .

— اوت ! براز . دیه جواب ویردی .

ایمپراطور — لسانغزی چوقدن بریمی اوگرندکڑ ؟

بسمارق ده (بودفعه گوزل بر تلفظه) — درت آیدن بری افدمز — کلماتیله

مقابله ایلشد .

ایمپراطور آلکساندر ، بسمارق ، تحصیل لسان خصوصنده کی قابلیتندن طولانی

تبریک ایدرک غران دوق قونستانتی ، کندوسنی روسجه افواجق بر امتحان ایتمکه

مأمور ایتدی .

بسمارق ، او وقتدن برو ایمپراطورك بوجهله کندوسنی یقلمسینه میدان

ویرمش اولدیغنه پك چوق ندامت ایتدیگنی بیان ایتمش ایسه ده بونگله برابر

بو خصوص ایکنجی آلکساندرك وفاته قدر روسیه نی یارمغناک اوچنده چویرمسنه

مانع اولدیغنی هرکسك معلومیدر .

فرید